

漢名臣傳

三上



內閣文庫			
函	冊	號	類
三八	一六〇	二三〇五	漢書
架	冊	號	類

內閣文庫			
內閣文庫			
番號	漢	2300	
冊數	160 (101)		
函號	290	43	




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





漢名臣傳卷二

徐乾學

徐文元

高士奇 湯斌

王進寶

楊雍建

熊賜履

徐乾學列傳弟秉義附

徐乾學江南崑山人康熙九年一甲三名進

士授編修十年充順天鄉試副考官以給

事中楊雍建劾奏副榜遺取漢軍卷與正考

官修撰蔡啓博並降一級調用十四年援例

捐復原級仍任編修尋遷左春坊左贊善充

日講起居注官二十一年充明史總纂官二十二年遷翰林院侍講二十三年遷侍講學士時乾學之弟元文以左都御史降調候補其子樹聲與乾學子樹屏並中順天鄉試聖祖仁皇帝以是科取中南皿卷皆江南浙江而湖廣江西福建無一人下九卿詹事科道磨勘舉出文理悖謬者一名文体不正者樹屏等三名字句疵累者樹聲等八名請與正副考官諭德秦松齡編修王沛恩同考官

主事張雄中書王錞等並褫革嚴究情弊得旨此次取中各卷顯有情弊姑從寬免究其文理悖謬文理不正四名及徐元文之子並革去舉人餘照例議處是年十二月乾學遷詹事二十四年正月

召試翰詹諸臣於

保和殿乾學列上等第一

諭獎乾學暨侍讀韓菼編修孫岳頌侍講歸允肅編修喬萊等五人學問優長文章古雅

優加賞賚乾學旋奉

命直南書房擢內閣學士充

大清會典一統志副總裁教習庶吉士時海賊初平戶部郎中色楞額往福建稽察鼓鑄疏請禁用明代舊錢戶部尙書科爾坤余國柱等議如所請

上以詢內閣諸臣乾學言自古皆新舊兼行以從民便若設例禁恐滋煩擾因考自漢至明故事爲議以獻

諭曰舊錢流布不止福建一省他省亦皆有也若驟爲禁止恐不肖之徒借端生事貽害平民色楞額所奏不准行會有

詔購采遺書乾學以宋元經解十種李燾續資治通鑑長編及唐開元禮或繕寫或仍古本綜其体要條列奏進得

旨所奏進藏書善本足資考訂俱留覽二十五年

諭吏部曰學士徐乾學張英學問淹通宜留

漢名目傳 卷三
辦文章之事嗣後勿開列巡撫尋授禮部侍郎充

經筵講官二十六年九月擢都御史二十七年二月充會試正考官卽于是月遷刑部尙書乾學初任左都御史卽劾罷江西巡撫安世鼎勸諸御史風聞言事遇會議會推與尙書科爾坤佛倫等多齟齬其會議河工屯田事也同尙書張玉書言屯田所占民間地畝應歸舊業科爾坤佛倫弗從御史陸祖修因

疏劾科爾坤佛倫等偏袒河臣靳輔不顧公議御史郭琇亦劾靳輔與屯累民勅罷靳輔任先是

命侍郎色楞額往湖廣鞫上荆南道祖澤深被劾各疑并察巡撫張汧有無穢蹟色楞額于劾欸悉爲開釋又不察劾張汧御史陳紫芝旋劾張汧貪黷

命副都御史開音布往會直隸巡撫于成龍山西巡撫馬齊覆審旣鞫寔張汧祖澤深婪

漢各臣傳 卷三
索事復得祖澤深交結大學士余國柱爲囑
色楞額狗庇及張汧未被劾時遣人赴京行
賄狀下法司嚴議核擬時余國柱因御史郭
琇劾其與大學士明珠尙書佛倫等營私附
和已罷歸法司請檄追質問並鞠詰張汧行
賄何人汧以分餽甚衆不能悉數抵塞旣而
指出乾學

上命免余國柱質問復

諭曰此案嚴審牽連人多就已經審寔者卽

可擬罪勿令滋蔓于是色楞額張汧祖澤深
論罪如律事遂寢互詳高士奇傳乾學尋乞
罷疏言臣蒙

特達之知感激矢報職掌所係務殫區區苞
苴愧遺一切禁絕近者前任楚撫張汧橫肆
汚曠祇緣臣爲憲長拒其幣問是以銜恨誣
扳幸

皇上鑒臣惴惴當衆臣傳問汧供語參差駕
虛鑿空良心難掩隨卽自吐寔情然非

漢各目傳卷三
聖明在上是非幾至混淆此臣所以感戴
高深日夜隕涕者也臣備位卿僚乃爲貪吏
誣構

皇上覆載之仁不加譴斥臣復何顏出入
禁近有玷清班反躬刻責不能自己伏冀
聖慈放歸田里疏入得

自覽奏情辭懇切准以原官解任其修書總
裁等項着照舊管理二十八年乾學弟元文
任大學士子樹穀由中書考選御史時解任

修書少參事高士奇丁憂在籍左都御史王
鴻緒爲左都御史郭琇疏劾植黨營私招搖
撞騙諸款得

自休致事詳士奇鴻緒傳副都御史許三禮
疏劾乾學曰

聖主必需賢佐懲貪不外遠奸大小臣工幸
逢

聖主應爲賢臣乃有原任刑部尙書徐乾學
者不顧品行律身不嚴致被罪臣張沂所供

漢各目傳卷三

六

漢名臣傳卷三
皇上寬仁不加譴責卽宜引咎自退乞
命歸里又復優柔繫戀潛住長安乘留修史
爲名出入

禁廷與高士奇相爲表裏物議沸騰卽無官
守落得招搖納賄五方寶物歸東海之謠所
自來也其子試御史徐樹穀不遵成例朦朧
與考明有所恃獨其弟徐秉義文行兼優寔
係當代偉人原任禮部尙書熊賜履理學醇
儒可稱千古人品臣職居言路知而不言卽

爲不忠備採輿論直陳賢奸乞卽

召用熊賜履徐秉義以佐

盛治徐乾學旣無好事業焉有好文章應逐
出史館以示遠奸徐樹穀尙書之子中堂之
姪身爲御史太覺招搖應調部屬以遵成例
臣不避嫌疑披瀝直陳得

旨所叅事情著徐乾學明白回奏熊賜履原
係簡任大臣朕所深知已經起用現在丁憂
許三禮請卽召用殊屬不諳著飭行乾學回

奏曰憲臣謂臣律身不嚴致罪臣張汧所供
臣若果受張汧一錢臣甘寸磔祇以臣爲臺
長聞張汧狼籍屢向僚屬斥言其非汧知而
恨臣遂肆誣讎業蒙

皇上洞鑒臣以性不諧俗遭人嫉忌具疏懇
歸田里蒙

恩准解部務仍領各館總裁早夜編摩每隔
數日入直與高士奇等共訂書史校讐
御選古文此外一無干涉臣在任之日尙且

嚴絕苞苴豈解任以後反行招搖納賄憲臣
忽云潛住忽云招搖皆臣所惶惑不解者臣
子樹穀考選經吏部及臣弟元文奏明其時
大臣子弟與考者不止臣子一人

特恩簡用安得朦朧皆由臣平時好講忠孝
大義言論時或激切易以招尤乞

賜罷斥歸田并罷臣子官職以安愚分疏並
下部察議以所劾招搖納賄皆無寔據卽所
劾朦朧考選亦不詳確許三禮應降二級調

漢名臣傳卷三
用議甫上三禮復疏劾乾學曰三品以上大臣子弟不得考選科道成例遵行已久無敢紊越今乾學回奏指稱吏部題請閣臣奏明以鉗制言官要知

皇上之留乾學者留於史館辦事豈留潛地招搖物議沸騰閣臣之奏明者不過奏避閱卷之嫌疑豈有題破歷來之定例乾學雕琢字眼粉飾要旨欲坐臣以指叅不寔而使徐樹穀仍居御史之職明欲肇釁開端紊亂

國制專擅之漸不可不防更奇者乾學律身不嚴教子無方穢迹昭著有案可據尙敢肆口狂言好講忠孝大義希圖簧惑

聖聰不得不列欵糾叅懇乞窮究一乾學於丁卯鄉試戊辰會試在外招搖門生親戚有名文士各與關節務期中試有蕪州府貢生何焯往來乾學門下深悉其弊特做會試墨卷序文刊刻發賣寓言諷刺乾學聞知卽向書舖將序抽燬刻板焚化囑託江蘇巡撫訪

擊何焯至今未結一乾學發本銀十萬兩交
鹽商項景元於揚州貿易每月三分起利本
年七月間令伊孫壻史姓家人李湘押同景
元於八月二十四日到京算賬共結本利一
十六萬餘兩又布商程天石新領乾學本銀
十萬兩現在大蔣家衚衕開張當舖其餘銀
號錢桌發本放債違禁取利怨聲滿道一乾
學以門生李國亮爲江蘇按察使代爲料理
國亮差劉管家送銀一萬兩交乾學管家吳

子彥吳子章收過節送銀四百兩小禮銀四
十兩生日送銀一千兩吳子彥爲張汧事發
逃回吳子彥胞弟子章收伊弟元文入閣辦
事國亮差劉管家送賀禮銀五千兩交吳子
章收繳一乾學認光棍徐紫賢徐紫書二人
爲姪通同扯牽得贓累萬徐紫賢徐紫書現
造爛面衚衕花園房屋書辦之子一朝富貴
胡爲乎來乾學之贓半出其手一乾學因弟
拜相後與親家高士奇更加招搖以致有去

漢名臣傳 卷三
了余秦檜來了徐巖嵩乾學似麗涓是他大
長兄之誦又有五方寶物歸東海萬國金珠
貢滄人之對京城三尺童子皆知若乾學果
能嚴絕苞苴如此醜語何不加之他人而獨
加之乾學耶一乾學遣弟徐宏基遍遊各省
抽豐剋剝民膏獨于河南磁州彰德等處久
戀一載有餘放賭宿妓良民受害怨聲載道
一乾學買憲臣傅感丁在京房屋一所價銀
六千餘兩買學士孫在豐在京房屋一所價

銀五千五百兩買慕天顏無錫縣田一萬頃
京城繩匠衚衕與橫街新造房屋甚多不能
枚舉蘓州太倉崑山吳縣長洲常熟吳江等
州縣俱係徐府房屋田地一乾學子姪徐樹
屏徐樹聲於甲子科夤緣中式獎發黜革行
止有虧莫此爲甚以上各款百未盡一乾學
身受

國恩乃敢植桃李于一門播腹心於九州橫
行聚斂不顧枉直順之則生逆之則死勢傾

中外權重當時朝綱可紊成例可滅伏乞
皇上立賜處分國家幸甚萬民幸甚疏入得
旨許三禮身為言官凡有糾劾當據寔一併
指陳乃于交部議處後復列欵具奏明係圖
免已罪著嚴飭行

命免許三禮調用仍留任是年十一月乾學
疏言臣年六十精神衰耗祇以受

恩深重依戀徘徊憲臣許三禮前因議先賢
先儒坐位其言不合經典臣與九卿奏對之

時斥言其非本以公事相爭不謂觸其私怒
捏造事狀逞忿劾臣幸

聖主洞燭幽隱臣欣荷再生但臣方寸靡寧
不能復事鉛槧且恐因循居此更有無端彈
射乞

恩終始矜全俾得保其衰病之身歸省先臣
邱隴庶身心閑暇願比古人書局自隨之義
屏跡編摩少報萬一得

自卿學問淹博總裁各館書史著有勤勞覽

奏請歸省墓情辭懇切准假回藉書籍著隨帶編緝明年二月陞辭

賜御書光燄萬丈匾額五月兩江總督傅拉塔劾乾學于三月內回籍即于四月內欲沽名譽囑託蘓州府貢監等具呈巡撫洪之傑建造生祠于虎邱山上平日縱其子樹敏樹屏與元文之子樹聲樹本交結洪之傑借勢招搖競利害民乞
勅部嚴擬語詳元文傳

聖祖命元文休致劾欵免究三十年山東巡撫佛倫鞫濰縣知縣朱敦厚加收火耗事劾乾學會致書前任巡撫錢珏徇庇敦厚部議乾學與珏均革職先是乾學未罷歸時嘉定知縣聞在上為縣民告發私派事革任究擬閱二年不結至是按察使高承爵窮詰聞在上追憶未告發時因徐樹敏聲言私派有干功令曾以賍銀二千兩餽之至告發追還論樹敏嚇詐取財應絞江寧巡撫鄭端因疏劾

休致左都御史王鴻緒曾受聞在上餽銀五百兩爲之設計私派亦於告發後追還應與不約束子弟之徐乾學並

勅部嚴議部議乾學已革職免議王鴻緒應令總督審供定議尋奉

詔嚴戒內外各官私怨交尋壘連報復于是釋鴻緒弗問乾學子樹敏亦贖罪三十三年七月

諭大學士於翰林官員內奏舉長于文章學

問超卓者大學士王熙張玉書等薦乾學與王鴻緒高士奇得

旨徐乾學等着來京修書徐乾學之弟徐秉義學問亦優並着來京乾學未聞

命于四月疾卒年六十有四所著有滄園集讀禮通考諸書遺疏進其所纂一統志下所司察收弟秉義康熙十二年一甲三名進士十四年充浙江鄉試正考官二十一年遷右春坊右中允尋乞假歸里乾學既卒後應

召補原官累遷侍讀庶子少詹事三十八年
遷詹事三十九年擢禮部侍郎旋調吏部皆
兼管詹事府是年充武會試正考官明年充
經筵講官四十一年以同刑部侍郎綬色克
往訊陝西糧道黃明受賄事擬罪失當部
議革職
命仍以翰林官用後補詹事充順天鄉試正
考官明年遷內閣學士四十三年乞休歸四
十四年

聖祖南巡

賜御書恭謹老成匾額五十年四月卒於家
年七十有九
賜祭葬如例

徐元文列傳

徐元文江南崑山人初冒姓陸後復本姓順
治十六年一甲一名進士授修撰
聖祖仁皇帝初御極元文以名列江南進賦
籍中降鑾儀衛經歷乞假歸里辯釋其事得

言復修撰康熙八年充陝西鄉試正考官尋
遷秘書院侍讀九年擢國子監祭酒充
經筵講官先是

世祖章皇帝詔天下選諸生文行兼優者與
鄉試副榜貢生成于國子監肄業康熙元年
給事中晏楚蘭奏停鄉試副榜而優生亦久
不復舉至是元文同監_臣札祿等疏請
勅學政間歲一舉優生鄉試仍取副榜俾辟
雍多經明行修之士又請定八旂官學生與

廩監生並用筆帖式之例順天鄉試廣監生
中式之額疏皆下部議行十三年擢內閣學
士充重修

太宗文皇帝寔錄副總裁十四年改翰林院
掌院學士充

日講起居注官

上嘗諭元文及諸講官日經書屢經進講朕
心熟曉通鑑一書事關前代得失甚有裨于
治道宜次第進講元文請就朱子綱目中擇

事之尤要者採取先儒之論亦以臆斷演繹
發揮按期進講是歲元文奉

命教習庶吉士時其兄秉義以一甲三名進
士授編修尙未散館元文因疏辭教習

上特諭秉義勿預教習弗允辭十五年冬丁
母憂歸十八年

召爲明史監修總裁官元文既至疏薦明給
事中李清着儒黃宗羲二人宜延致訪問或
老疾不能就道令有司錄所著以上又以史

館需人薦曾舉博學鴻儒之未赴試者曹溶
汪懋麟黃虞稷姜宸英四人及教習貢生萬
言共襄編纂

上俱允所請尋補內閣學士
上以元文舊由內閣學士改掌院學士因

諭閣臣曰內閣與翰林官不妨互爲調用其
行坐之處以進衙門先後定次第十九年擢
都察院左都御史疏言逆藩吳三桂甘心反
叛遺孽旦夕伏誅凡脅從之衆

卷之三
七

漢名目傳卷五
恩許自新若仍留本土既非永久之規而移
調他方亦多遷徙之費統以別將則疑情未
化終涉危嫌攝之歸旂則放恣既久猝難檢
束請以應補職及入伍者與綠旂將弁一例
錄用餘俱分遣爲民則俸餉既減軍需益漸
裕矣至耿精忠尙之信孫延齡舊隸將弁尤
宜解散勿仍藩旂名目又言閩粵兩逆藩雖
已剪除而風日占奪民利干紀害政之事如
鹽埠牙行市船漁課渡稅諸類恐官司營伍

或有一二因襲則閭閻積困終不能一日豁
除乞

嚴飭督撫實力禁革吳逆荼毒生民滇南受
禍尤酷藩莊藩田責軍民輸租較舊額加十
有餘倍廣設礦廠擅銅鉛之利其橫征苛斂
未可悉數今大兵勢若雷霆民望救水火
宜豫

勅將軍督撫入境日卽爲蠲除又疏言安民
察吏責在督撫其撫綏無術之處分宜依例

海內傳
卷三
六
劾治一切小事呈誤並量與寬貸俾得早作
夜思圖其重且大者不致苟且塞責潘臬兩
司貪污督撫不糾劾宜以狗庇論又言舊例
大計卓異之藩臬兩司赴京許條陳事宜由
通政司奏進請嗣後於入
覲時自行陳奏

皇上親加諮訪可以鑒其才能之高下兼可
知督撫所舉之當否又請飭禁外省丁憂官
遲報訃期不卽奔喪及士大夫喪中聽樂易
衣從吉諸薄俗又請申嚴虛捏田畝加根狗
從窩贖人口條例疏並下部議行先後劾奏
福建總督姚啓聖縱恣誦詐杭州副都統高
國相縱兵虐民兩淮巡鹽御史康泰狗庇貪
官候補御史蕭鳴鳳蔑禮輕狂等事皆謝翰
得寔惟啓聖辯釋二十二年冬九卿會推道
員王垓胡悉寧爲湖北按察使
上以二人才具平庸詰問覆奏元文倡舉下
部議降三級調用二十六年仍授原官充

經筵講官疏請申明御史責成無論掌道與否分派各道理事凡法司會勘重案及各省揭帖有無疑竇限三日說堂刑部現審重案先移送供詞查核然後定稿巡城御史與旂人詞訟舊例概弗審理今旂人移居城外者多如係所管之地應一体審理疏下部並議行又劾兩淮巡鹽御史陶式玉穢鄙乖張官箴有玷式玉遂罷任是年十二月元文遷刑部尚書旋調戶部先是御史郭琇劾罷大學

士余國柱懸缺未補二十八年五月授元文爲文華殿大學士會翰林院掌院學士李光地調授通政使司吏部開列應陞各員以奏諭曰翰林掌院必文學淹通衆所推服者始克勝任凡翰林撰擬之文亦須掌院刪潤成章明代大學士有兼管之例徐元文著兼管翰林院事時纂修

平定三逆方畧

政治典訓一統志元文並充總裁官二十八

漢名目傳卷三
年九月副都御史許三禮劾元文兄乾學既
解尚書任不卽歸里與親家高士奇招搖納
賄元文入閣辦事後收江蘇按察使李國亮
賀禮銀五千兩致有去了余秦檜來了徐巖
嵩及五方寶物歸東海萬國金珠貢澹人之
話疏詳乾學傳元文奏辯曰三禮因叅臣兄
乾學不實知吏部已議降調遂誣列臣兄多
款并誣及臣謂曾收李國亮賀儀五千兩臣
與國亮雖曾相識初無交涉三禮以不根之

詞橫肆沓釅卽使孤竹復生何難指爲盜跖
聖明在上必能洞察其誣國亮三禮皆可互
質也臣初入閣時曾聞有人粘貼謗紙此乃
忌嫉臣兄弟者布散流言以圖傾陷耳夫匿
名榜貼律禁至重又屢奉

嚴諭申飭地方不行祭拏有處分定例三禮
旣佐理憲綱聞知正宜痛疾乃公然引入奏
章指爲證據則三禮必深知造謗之人與匿
貼所由來矣總之臣兄弟直道自處不免招

尤而不悅臣兄弟者遂欲一網盡之三禮向
者考選之後曾請執弟子禮臣以於義不可
始終拒之今於數日間忽而誣臣兄又忽而
誣臣殊難測憶臣荷
恩深重一旦爲人排繫致無影之辭溷入
聖聽踴踏惶恐何地自容伏祈
皇上立賜罷斥庶臣心稍安疏入
報聞二十九年四月
詔修

三朝國史以大學士王熙爲監修總裁官大
學士伊桑阿阿蘭泰梁清標及元文爲總裁
官五月兩江總督傅拉塔疏劾之曰凡爲人
臣宜感戴

上恩不負養育乃有不遵法度彼此施威朋
比背

愚以官職爲生理公然受賄擾害地方如巡
撫洪之傑原任刑部尙書徐乾學大學士徐
元文並伊等子姪穢跡謹臚列陳之一康熙

漢名曰傳國卷三
三
二十八年徐元文陞任大學士洪之傑誦媚
製金字大匾一方旂捍二根旂上金鑄瑞叶
金甌泰開玉燭入字委督糧同知姚應鳳賈
至徐元文門前樹立復送賀儀一萬兩徐元
文之子舉人徐樹本稅收一康熙二十八年
原任松江府知府趙寧授拜徐元文門下餽
銀一千兩徐元文之姪徐樹屏徐樹敏親收
一康熙二十八年松江常三府探買青藍布
解部以少價買多支銷銀一萬四千餘兩洪

之傑趙寧徐樹本等分肥一徐元文之子徐
樹聲自京到巡撫衙門稱有要緊密信因開
門稍遲喝打門吏洪之傑聽聞忙卽大開中
門鳴鑼擊鼓作樂迎進衙役路人皆爲耻笑
一洪之傑于康熙二十八年因重犯減等案
內部議革職蒙

皇上寬宥降級留任而元文乾學冒
恩以爲己力洪之傑將銀二萬兩令原任松
江府知府趙寧送徐樹本收一康熙二十八年

年聞門外居民欽涿欽鼎丞彼此爭詞徐
敏見欽鼎丞家裕囑託巡撫令欽涿欽宸樞
控告詐欽鼎丞銀一千兩交與伊家人徐孔
昭李孔章兌收一徐樹聲兄弟前往蘓州府
承天寺內瞰琅山房惡僧等富厚詐銀一千
兩囑巡撫止留琅山房之僧餘房僧盡皆驅
逐後被逐之僧及眾百姓為留惡僧反將好
僧逐出公憤怨恨一徐樹本唆王緝植之母
告同縣監生李端匏久不葬親詐得李端匏

銀四百兩一康熙二十九年葑門外菓子行
陸雲椿韓雲若二人為爭行業買賣徐樹本
詭令伊親湯機先湯在治生理勒得陸雲椿
銀二百四十兩一徐樹屏庇護光棍徐長民
將徐長民仇家生員黃中堅聲言必受其害
嚇詐黃中堅銀四千兩田抵六百兩又將黃
中堅交與光棍徐長民被毆折指一徐樹聲
徐樹本等將伊銀米自六月放出於民十月
交收起息銀每兩五六錢米每石五六斗重

濟名臣傳卷三
利剋剝貧民不能償還卽差家人打罵貧民
難受致將妻子典賣畏其勢力不敢告理一
徐乾學徐元文將伊子姪田地均填入別人
名下每年拖欠錢糧不管官員議處以勢欺
壓終不完納所以崑山縣知縣總爲錢糧革
職降級不得陞任者多一徐乾學于本年三
月內回籍卽于四月內欲沽名譽囑託蘓州
府貢監胡三錫周隣詩等違例建造長生祠
堂在于虎邱山上赴巡撫衙門具控撫中軍

遊擊楊鉉收送巡撫洪之傑一徐樹本樹聲
樹屏樹敏家人徐孔昭高彬甫吳漢周曹爾
玉蘓雲生金正昌等往來蘓城輪番更替馬
弔演劇無虛晝夜勒索崑山知縣船夫承攬
大小衙門事件蘓州府城東有毛上列西城
黃聖微闖門外有顧思誠處處差遣打所有
業之人控告信息蘓州民人皆稱爲拉繯擺
渡船怨恨切齒無可奈何總之元文等至富
至貴尙不知足以

漢名臣傳 卷三
皇上之仁恩邀爲己力招搖權勢恐嚇通省
官民顛倒是非得受銀錢又縱放如虎如狼
子姪家人出入大小衙門擾害地方又復唆
使爭訟重利累民收惡徒爲羽翼世世相扶
以圖富貴而地方之大臣如巡撫洪之傑又
趨附勢力獻媚應付有司皆畏無不逢迎官
既逢迎而累及小民矣若臣畏懼伊等親友
門生之衆於其犯法害民至奸至暴不行題
奏有負

聖祖養育重恩難免大罪矣疏入得

旨所奏各款從寬免其審明徐元文著休致
回籍三十年七月元文卒于家年五十有八
所著有含經堂集

高士奇列傳

高士奇浙江錢塘人初由監生充書寫序班
供俸

內廷授詹事府錄事遷內閣中書食六品俸
賜居西安門內康熙十七年

聖祖仁皇帝賜敕曰爾在內辦事有年凡密
諭及朕所覽講章詩文等件纂輯書寫甚多
特賜表裏十足銀五百兩以旌爾之勤勞十
九年

諭吏部曰高士奇學問淹通居職勤慎供奉
有年應授爲翰林院從優議敘部議授爲額
外翰林院侍講二十年六月奉

勅曰爾內直以來勤慎盡誠夙夜匪懈近日
聞爾偶得暑病特賜頤養之資爾當安憫自

怡輔以醫藥二十二年補侍讀充

日講起居注官二十三年遷右春坊右庶子
尋擢翰林院侍講學士二十四年轉侍讀學
士充

大清一統志副總裁官二十六年遷詹事府
少詹事二十七年法司逮問貪贖劾罷之巡
撫張沂因沂未被劾時曾遣人賚銀赴京詰
其行賄何人初以分餽甚衆不能悉數抵塞
既而指出士奇會奉

論此案若嚴審牽連人多就已經審寔者即
可擬罪勿令滋蔓於是置弗問互詳徐乾學
傅士奇因疏言臣等編摩纂輯惟在直廬
宣諭奏對悉經中使非進講外或數月不覲
天顏從未于政事有所干涉此不獨臣士奇
爲然從前入直諸臣如熊賜履葉万謫張玉
書孫在豐王士禎朱彝尊等近今同事諸臣
如陳廷敬徐乾學王鴻緒張英勵杜訥等莫
不皆然也至於人物之臧否事務之利弊

皇上明見萬里洞徹隱微素未蒙

皇上詢及臣何敢輕進一言獨是供奉日久
嫌疑日滋考之古昔儒臣侍從禁密恒難調
於衆口卽今張汧無端疑怨含沙污蟻臣將
無以自明幸賴

聖明在上謹搆難施張汧旋卽自吐真情臣
心始得大白但

禁廷清秘職任綦嚴來茲藝非寔幸

聖恩豈容仍玷清班伏乞

漢名臣傳卷三
賜歸田里疏入得

旨覽所奏情辭懇切准以原官解任其修書副總裁等項著照舊管理二十八年春從

上南巡至杭州

駕幸士奇之西溪山莊

賜御書竹窓匾額九月左都御史郭琇疏劾之曰

皇上宵旰焦勞勵精圖治用人行政皆出

睿裁未嘗纖毫假手左右乃有植黨營私招

搖撞騙如原任少詹事高士奇左都御史王鴻緒等表裏為奸恣肆於光天化日之下罪有可誅磔竹難悉試約畧陳之高士奇出身微賤其始也徒步來京覓館為主

皇上因其字學頗工不拘資格擢補翰林令入

南書房供奉不過使之考訂文章原未假之與聞政事為士奇者即當竭力奉公以報

君恩于萬一計不出此而日思結納諂附大

漢名臣傳卷三
臣攬事招權以圖分肥凡內外大小臣工無
不知有士奇之名夫辦事

南書房者先後豈止一人而他人之声名總
未著聞何士奇一入辦事而聲名赫奕乃至
如此是其罪之可誅者一也久之羽翼既多
遂自立門戶結王鴻緒爲死黨科臣何楷爲
義兄弟翰林陳元龍爲叔姪鴻緒胞兄王項
齡爲子女姻親俱寄以腹心在外招攬凡督
撫藩臬道府廳縣以及在外之大小鄉員皆

王鴻緒何楷等爲之居停哄騙而資緣照管
者餽至成干累萬卽不屬黨護者亦有常例
名之曰平安錢然而人之肯爲賄賂者蓋士
奇供奉日久勢微日張人皆謂之曰門路真
而士奇遂自忘乎其爲撞騙亦居之不疑曰
我之門路真是士奇等之奸貪壞法全無顧
忌其罪之可誅者二也光棍俞子易在京肆
橫有年惟恐事發潛遁直隸天津山東洛口
地方有虎房橋瓦房六十餘間價值八千金

送士奇求托照拂此外順城門外斜街並
各處房屋總令心腹出名置買何楷代爲收
租打磨場士奇之親家陳元師夥計陳季芳
開張緞號寄頓各處賄銀資本約至四十餘
萬又于本鄉平湖縣置田產千頃大興土木
修整花園杭州西溪廣置田宅蘓松淮揚王
鴻緒等與之合夥生理又不下百餘萬竊思
以竟館餉口之窮儒而今忽爲數百萬之富
翁試問金從何來無非取給于各官然官從

來非侵國帑卽剝民膏夫以國帑民膏而
填無厭之谿壑是士奇等眞國之蠹而民之
賊也其罪之可誅者三也

皇上聖明洞悉其罪止因各館史書編纂未
完著解任竣事矜全之恩至矣極矣士奇乃
不思改過自新仍怙惡不悛當

聖駕南巡時

上諭嚴戒餽送定以軍法治罪誰敢不遵惟
士奇與王鴻緒慙不畏死卽淮揚等處王鴻

薄名曰傳卷三
緒招攬府廳各官約餽萬金潛遺士奇淮揚
如此他處又不知如何索詐矣是士奇等欺
君滅法背公行私其罪之可誅者四也更可
駭者王鴻緒陳元龍鼎甲出身亦儼然士林
之翹楚竟不顧清議爲人作壘斷而不以爲
耻且依媚大臣無所不至卽人之所不屑爲
者亦甘心爲之而不以爲辱苟圖富貴傷敗
名教豈不玷
朝班而羞當世士哉總之高士奇王鴻緒陳

元龍何楷王項齡等豺狼其性蛇蝎其心鬼
蜮其形畏勢者旣觀望而不敢言趨利者復
擁戴而不肯言臣若不言有負
聖恩臣罪滋大故不避嫌疑仰請
皇上立賜罷譴明正典刑人心快甚天下幸
甚疏入得
旨高士奇王鴻緒何楷陳元龍王項齡俱著
休致回籍時解任尙書徐乾學管修書總裁
事副都御史許三禮以士奇旣奉

旨回籍乾學亦不應留京疏劾乾學士奇為
子女姻親其招搖納賄相為表裏有五方寶
物歸東海萬國金珠貢澹人之譏疏下史部
以所刻無據寢議乾學尋以省墓回籍三十
三年

命大學士於翰林官員內奏舉長於文章學
問超卓者大學士王熙張玉書等薦乾學鴻
緒及士奇並
召來荒修書士奇既至仍直

南書房三十六年以養母乞歸

特授詹事府詹事

允其請四十一年授禮部侍郎以母老未赴

四十三年

聖祖南巡士奇於淮安迎

駕扈

躡至杭州及

回鑾隨至京

優賚以歸是年六月卒于家遺疏至得

旨高士奇簡侍內廷勤勞歲久忽聞在籍病
逝朕心深為軫惻下部議卹部臣議士奇未
赴侍郎任例予祭一次

聖祖命加級全葬子輿時為庶吉士

特旨授編修四十四年

諭大學士張玉書等曰原任禮部侍郎高士

奇在內廷供奉有年其品級不應予諡朕軫

念舊臣原任刑部侍郎勵杜訥已照侍郎沈

荃例予諡今士奇亦應予諡以示特恩士奇

於是

賜諡文格所著有經進文稿天祿識餘讀書

筆記扈從日錄隨輦集城北集苑西集清吟

堂集春秋地名攷畧左傳國語輯註諸書

湯斌列傳

湯斌河南睢州人母趙氏明末流賊陷州城

殉節死父祖契携斌避兵流寓浙江衢州

世祖章皇帝順治二年大兵定江南江西斌

隨其父還里九年舉進士由庶吉士授

國史院檢討十二年二月應

詔陳言請廣搜野乘遺書以修明史且言宋

更修於元至正特傳文天祥之忠元史修於

明洪武亦著巴顏布哈之義我

朝順治元二年間前明諸臣亦有抗節不屈

臨危致命者與叛逆不同宜令纂修諸臣勿

事瞻顧昭示綱常於萬世下所司大學士馮

銓金之俊等謂斌誇獎抗逆之人擬

旨嚴飭

日
明
史
院
印

國
史
院
印

天
祥
印

